



BIBLIOTHECA
UNIV. PRAGAE
CARLOVENSIS


kat.kom.

39047

Mag. St. Dr.



Biblioteka Jagiellońska




stdr0002072



39047



Bg. I 10 s








39047

P

*Biedrzychowski Gaspari: Conclusiones theol.
ca prima parte D. Thomae de visione
Dei.*

Seol. 2448



CONCLVSIONES

EX

Prima Parte D. Thomæ.

SVB AVSPICIIS

Illustrissimi & Reuerendissimi Domini,

D. HENRICI FIRLEY,

EPISCOPI PLOCENSIS.

PVBLICE

PROPVGNANDÆ

F. GASPARO BIEDRZYCHOWSKI FF. Ere-
mitarum Ordinis S. Pauli Primi Eremitæ
Professo, S. Theologiæ Auditore.



CRACOVIAE,

Ex Typographia Matthiæ Andreouienſis,

Anno Domini 1621.



39047 I



39047 I

Illustriſſimo & Reuerendiſſimo Dño,
D. HENRICO FIRLEY,
DE DĄBROWICA.

Dei & Apoſtolice Sedis gratia Episcopo Plo-
cenſi Domino & Mæcenati ampliſſimo.

Fr. Gaſpar Biedrzychoſki FF. Eremit. Ordinis S. Pauli
primi Eremitæ Clari montis Czeſtochouienſis profeſſus,
Salutem & Felicitatem.



T primùm à profundis Prædeſtina-
tionis Diuinæ latebris emersi, *Illu-*
striſſ & Reuerendiſſ. Dñe, in quibus
aliquātisper ſciendi contemplandiq;
ſtudio ductus hæſerā: affulſere mihi
illico generis tui, magnarūq; *Et nobiliſſimarum vir-*
tutum tuarum decora, inſolitam quandam lucem
ſpirantia, inq; Religioſum noſtrum Ordinem proli-
xè *Et citra omnem modum effuſa.* Ea me non in-
uitum perpulerunt, vt hunc meum, meum inquam
an diuinæ ſcientiæ ſectum, *Illuſtriſſimæ Ceſtu-*
dini Tuæ conſecrarem, eoq; Tuam humanitatē ac
beneficentiam quam ad maiorem Dei gloriam *Et*
Diuæ Virginis Claramontanæ cultum noſtris
Patribus exhibes, noſtram verò in te ſimul obſer-

uantiam minimo licet officii genere testarer. Factus hic diuinæ scientiæ per se vetus est, nouo tamen à me cõplexu fatus, & in lucem editus, atq; adeo tuo conspectu non omnino indignus. Quare dum hanc meam tenuem satis opellam tibi Antistes Illustrissime porrigo, uehementer cupio, & cum omni animi submissione precor atq; obsecro, vt hoc cuiuicuiusmodi donatiuum ad sublimitatis tuæ fastigium commeans, nihil grauescente dextra penates intra tuos adsciscas. Vale Præsul Illustrissime, Deoq; ter pollenti, potenti, Patrie, Tibi, tuisque viue. Et quem omnes virtute, fama, felicitate, cumulatum suspiciunt, eū Numen illud supremū, omnesq; cælites ab omni parte florentissimum in omnem æternitatem conseruent.

CONCLVSIONES THEOLOGICÆ.

DE VISIONE DEI.

I.

Intellektus creatus, tam Angelicus quàm humanus, non solû eleuari potest, sed etiã de facto eleuatur in vitâ beata ad visionem Dei intuitiuam, quam illi possibilem esse naturalibus rationibus satis verissimilibus conuincitur. Repugnat Deum videri intuitiuè, per speciem aut similitudinem creatam obiectiuam (quam etiam solam negasse D. Thomam, & rei ipsius veritas, & rationum S. Doctoris momenta, si rectè perpendantur conuincunt) nō repugnat tamen videri per speciem expressam, aut impressam, ex quibus illa formaliter, hæc virtualiter, aut efficienter reddat intellectum videntem, exprimatque Deum vt in se est.

II.

Licet de facto visio Dei intuitiua, ab Angelis & hominibus beatis, absque interuentu vilius speciei impressæ eliciatur, Deo ipso immediatè & proximè per substantiam suam ad eiusmodi visionem ex parte obiecti concurrente; non elicitur tamen sine specie expressa creata, sine qua Deum à creatura videri omnino repugnat. Est porrò hic actus visionis Dei in substantia supernaturalis clarus & euidens, Deum vt in se est repræsentans, vt rectè in scripturâ, Cognitio facie ad faciem appelletur: certissimus & omnino infallibilis, superans in certitudine prima principia & Fidem Diuinam, non quidem quod hæc etiam non excludat omne periculum, vel dubium falsitatis ex parte obiecti, sed quod ille præterea necessitet intellectum excludat quæ ab eo omnem dubitationem etiam indeiberatam.

III

Est idem visionis Dei actus non solum apprehensio, sed etiam iudicium quoddam euidens

de Deo eiusq; perfectionibus: formaliter practicum & speculatiuum, principalius tamen speculatiuum intimè per seipsum reflexum, ita vt per illud Beatus simul videat Deum & se videre Deum: quantumuis verò remissus sit in Beatis, est tamen ex parte ipsorum necessarius, tum quoad specificationem, tum quoad exercitium: ita vt non possint illū pro libertate variare, aut ab eo cessare. In eodem consistit Beatitudo formalis hominis in alterâ vitâ, non quidem quoad integrum statum suum (nam sic Amorem quoque & Fruitionem includit) sed quoad essentiam præcisè sumptam, seu quoad id quod formaliter & in recto dicit. Ab hac visione, etiam præciso amore Dei necessario, beati redduntur Physicè impeccabiles.

IV.

AD videndum Deum intuitiue, de lege ordinaria indiget intellectus creatus dono aliquo supernaturali habituali, scilicet lumine gloriæ; cuius concursus suppleri posset de potentiâ absolutâ, per auxilium Dei speciale. Hoc porrò lumen gloriæ non requiritur ad visionem

Dei ex parte obiecti, vt coniungat illud potentia instar speciei intelligibilis, neque solum vel principaliter, vt disponat intellectum ad recipiendam Diuinam essentiam, vel visionem eius intuitiuam : non est denique ita necessariū, quasi per ipsum solum effici debeat visio DEI, absque cooperatione vitali immediata intellectus : sed requiritur ad hoc, vt iuuet & confortet intellectum, simulque cum eodem efficiat visionem.

V.

Intellectus creatus, siue ad visionem Dei concurrat cum lumine gloriæ, siue cum auxilio speciali actuali, non concurrat per potentiam naturalem, sed per obedientialem, indiget que concursu primæ causæ ordinis supernaturalis. Hæc autem Dei visio, nulli substantiæ creatæ secundum se, & seclusis gratuitis Dei donis acceptæ, per absolutam etiam Dei potentiā connaturalis esse potest ; eam de facto & de potentia Dei ordinaria, necessario in Beatis sequitur amor Dei, tum amicitia, tum concupiscentia, necessitate specificationis, & exercitij : Est ve-

rò actus omnino spiritualis; vnde corpus quod post Resurrectionem hominibus beatis accedet, nihilomnino ad eam conferet & nec remissionem intendet, nec intensionem poterit impedire.

VI.

NON est æqualis in omnibus Beatis visio Dei intuitiua, sed in quibusdam perfectior, quàm in aliis; tùm intensiue tùm extensiue: hæc verò inæqualitas prouenit non ex maiori vel minori perfectione intellectus, sed moraliter quidem ex inæqualitate meritorum, gratiæ sanctificantis, & status ac muneris Beatorum; Physi- cè autem & proximè tum ex inæquali intensio- ne luminis gloriæ, tùm ex diuersitate concur- sus Diuinæ essentiæ per modum obiecti. Re- mota verò causa, & quasi prima radix huius di- uersitatis est voluntas Diuina; quia Deus sicut videtur quando vult, ita & quomodo vult, tùm intensiue tùm extensiue. Deum oculis corpo- reis, vel alia potētia sensitiuâ videri aut cogno- sci, vt in se est omninò repugnat.

Quodq; admodum ad B

VII.

PER absolutam Dei potentiam posset videri intuitiue Diuina essentia non visis Diuinis Personis; & vna Persona non visis aliis, secundum proprias earum rationes: imò absolute loquendo, nec necessarium nec possibile est, vt creaturæ intellectuales videntes Deum intuitiue, videant distincte omnia quæ sunt in Deo formaliter, omnia quæ ipsius prædicata essentialia & attributalia, virtute distincta. De facto tamen omnes ac singuli Beati vident explicitè tres Diuinas Personas, & Relationes quibus mutuo referuntur ac distinguuntur: vident præterea illa saltem omnia Diuina attributa, quæ in via cognoscuntur per fidem, aut ex effectibus naturalibus, aut supernaturalibus: Decreta item & consilia Dei libera, non omnes omnia sed singuli aliqua pro ratione sui status ac beatitudinis.

VIII.

BEati eodem actu, quo vident Deum intuitiue, vident etiam aliquas creaturas possibi-

les, non solum concomitanter, sed etiam ita, ut
Diuina essentia, tanquam causa creaturas emi-
nenter continens, sit ipsius ratio, & medium e-
asdem cognoscendi: videt praeterea illo eodem
actu visionis beatificae aliquas creaturas, in di-
uersis temporum differentiis existentes imme-
diatè, siue sine interuentu medij cogniti; ab-
solutè tamen loquendo, non est necessarium,
ut à videntibus Deum vlla creatura siue ut pos-
sibilis, siue ut existens in particulari videatur.

IX.

PROBabile valdè est, omnes ac singulos bea-
tos, videre in verbo omnia fidei mylteria,
quæ in hac vita creduntur, totum praeterea vni-
uersum, eiusq; compositionem & ordinem cum
omnibus speciebus rerum, ex quibus constat,
vel quæ in ipso factæ fuerunt, in aliqua tempo-
ris differentia, pulchritudinem item Patriæ Cæ-
lestis, omnes beatorum Angelorum & hominū
ordines, merita, dignitatem, gloriæ mensuram,
locum insuper damnatorum eorumque suppli-
cia in æternum duratura. De contingentibus ve-
rò ad vtrumlibet, & de actibus liberis viatorum,

ea tantummodo singuli cognoscunt, quæ ad proprium ipsorum statum ac beatitudinē pertinent.

X.

Repugnat Deum à creatura rationali videri comprehensivè, etiã si quis dicat; ad comprehensionem per se non requiri æqualitatem inter cognitionem & obiectum, in ratione cognoscibilis, sed solùm ut obiectum cognoscatur quantum cognoscibile est, secundùm omnia quæ in se habet formaliter, & virtute; quanquã hoc autoritate potiùs quàm ratione videatur convinci. Meritò Deus dicitur ineffabilis siue innominabilis, non quod non possit habere nomen aliquod proprium ac substantiale; sed quia non potest per vllum nomen etiam à Beatis, vel ab ipso Deo impositum significari comprehensivè, aut intuitivè, aut propriè quidditativè.

De Prædestinatione & Re- probatione.

XI.

PRædestinatio, quæ est Diuinæ Prouidentia pars quodammodo subiectiua, aut potius integralis, rectè definitur: Sempiterna in mente Dei destinatio, & efficax præordinatio creaturæ rationalis ad salutem æternam, per certa media infallibiliter consequendam, licet non conueniat Deo ex necessitate simpliciter, sed liberè: est tamen ipsi aliquo modo necessaria; necessitate congruentiæ; & præterea posito quod aliqui homines sint consecuturi vitam æternam, est absolutè necessaria. Ex parte intellectus formaliter consistit in iudicio Diuino, per voluntatem approbato de medijs infallibiliter ducentibus ad vitam æternam: Ex parte verò voluntatis, in decretò dandi media consequendæ gloriæ, & ipsam gloriam: potiorè vendicat sibi in ea locum actus Intellectus, quàm voluntatis.

XII.

Fide Diuinâ, & Theologico discursu, certum est dari Prædestinationem iuxta prædictam hu-

ius nominis notionem, pro destinatione aliquarum creaturarum ad salutem æternam, ordine durationis, aut æternitatis antecedente ipsas; aut si in vocabulo Prædestinationis particula, Præ, significet ordinem dignitatis seu personarum ad personas; ita ut prædestinati dicantur quasi præ aliis ordinati ad vitam æternam. Si tamen particula Præ designet antecessionem signorum rationis electionis Diuinæ, ad voluntatem conferendi merita & præscientiam meritorum; non est infallibili certitudine certum dari Prædestinationem. Infallibilitas Prædestinationis non est ex aliquibus decretis Physicè prædeterminantibus voluntatem creatam ad vnum, sed ex scientia media aut conditionata.

XIII.

IN omni rationabili de Prædestinatione sententia, etiam ea, quæ admittit Physicas voluntatis creatæ prædeterminationes, admittenda est in Deo aliqua scientia, tùm rerum possibilem ut possibilem, tùm actuum liberorum sub conditione futurorum, ordine rationis an-

tecedens decreta libera Diuinæ voluntatis requisita ad hominum vel Angelorum prædestinationem. Hac scientiâ suppositâ, habuit Deus aliquam voluntatem dandi gloriam prædestinatis, prius ratione quàm decreuerit dare media ad eam consequendam. Habuit etiam voluntatem efficacem dandi ea media, per quæ de facto prædestinati salutem æternam consequuntur : præuidit eos de facto habituros merita, aut media efficacia vitæ æternæ consequendæ; & propter talia merita præuisa, statuit illis in præmium conferre supernaturalem beatitudinem.

XIV.

PRima creaturarum rationalium ad gloriam electio, potuit esse in Deo, tùm merè gratuita, & omnino independens à meritis præuisis, etiam posito, quod noluisset ipsis de facto conferre gloriam, nisi propter merita, tùm dependens à meritis præuisis & præordinatis. Potuit insuper Deus ex rationalibus creaturis aliquas quidem independenter à meritis, alias autem non nisi propter merita præuisa, ad æternā

salutem eligere. Probabilius verò est Deum de facto merè gratis, & antecedenter ad voluntatem conferendi merita elegisse ad gloriam homines, & Angelos qui saluantur.

XV.

INter effectus Prædestinationis, non solùm censenda est gloria essentialis Prædestinatorum cum omnibus quæ eam consequuntur, & donum perseverantiæ; sed etiam gratia sanctificans, tam finalis, quàm ea omnis quæ in toto vitæ decursu habetur: omnes item actus supernaturales actualis gratiæ, auxilia, bona insuper aliqua naturæ, ac mala pœnæ (non tamen culpæ, etiam sumpta materialiter pro actibus malitiæ morali substratis) ipsa denique permissio peccati, tum in ipsis tum sæpè in aliis.

XVI.

NVlla omnino ex parte ipsius Prædestinati datur causa moralis meritoria, vel impetratoria, vel dispositiva Prædestinationis, quoad omnes eius effectus collectivè, vel quoad primū effectum. Ex parte tamen alicuius alterius, et

am puræ creaturæ negari non debet, dari non-
nunquam causam aliquo modo meritoriam vel
impetratoriam, non quidem respectu omnium
Prædestinationis effectuum, sed respectu primi
effectus, qui in ipso sit Prædestinato. Datur eti-
am tum ex parte ipsius Prædestinati, tum ex par-
te aliorum, meritum respectu aliquorum de-
cretorum Diuinorum exsequentium Prædesti-
nationem, non tamen omnium huiusmodi de-
cretorum, & multò minùs decretorum præde-
finientium, aut intendentium effectus præde-
stinationis.

XVII.

DE Fide est dari Reprobationē, siue aliquos
homines & Angelos esse à Deo reprobatos.
Quamuis autem Deus, ex se, & præscindendo
à peccatis præiis, in iis qui damnantur, nul-
lum voluerit positivè excludere à gloria æter-
na, habuit tamen Reprobationem negativam,
aut permissivam antecedentem ad ipsorum de-
merita, quā in eodem signo æternitatis in quo
aliquos homines & Angelos specialiter dilexit,
& ex mero suo beneplacito efficaciter elegit ad

C

gloriam, alios non elegit; imò positiuè voluit non eligere, & non habere erga illos specialem prouidentiam, electorum propriam. Præter hos actus Reprobationis negatiuæ habuit Deus circa eosdem reprobos tres alios, pertinentes ad Reprobationem positiuam; videlicet Præscientiam absolutam peccatorum, in reprobis futurorum. Iudicium practicum, aut quasi finalē scientiam de reproborum indignitate ad gloriam, ac demeritis. Absolutum denique decretum reprobos in æternum puniendi.

XVIII.

Effectus Reprobationis positiuæ aut punitiuæ, non est permissio peccati, multò verò minus ipsum peccatum; sed sola poena peccato debita in futura vita, vel quæ cum eadem necessario coniuncta est: Permissiuæ autem aut negatiuæ Reprobationis effectus est, tum permissio peccati, quod punitur in altera vita, tū interdum obduratio, excæcatio, seu reprobis sensus. Datur causa Reprobationis positiuæ, omniumque eius effectuum, ex parte ipsius reprobis. Ea verò est peccatum quodcunque in fine

vita non remissum, quatenus non remissum ;
siue illud Originale, siue actuale mortale, aut ve-
niale sit. Reprobatio negatiua non pendet per
se à peccato originali, vnde futura fuisset eti-
am si Adam non peccasset.

XIX.

Deus Opt : Max : ab æterno voluit saluos fi-
eri omnes homines quos creare decreuit,
verâ ac propriè dictâ voluntate beneplaciti li-
bera, & aliquo modo efficaci, cuius vi dat o-
mnibus auxilia ad salutem aliquatenus suffici-
entia etiam reprobis etiam paruulis, aut perpe-
tuò amentibus qui sine Baptismo inculpabili-
ter à se non suscepto ex hac vita decedunt. Cur
Deus tam ex Angelis, quàm hominibus, tot ef-
ficaciter elegerit ad gloriam, nō plures nec pau-
ciores; cur item has potius numero quam illas
personas, nulla potest à nobis ex parte Dei assi-
gnari, nec alia datur ratio præter liberam eius
voluntatem? Possunt tamen non incongruè af-
ferri rationes ob quas Deus aliquos ad gloriam
elegerit, non autem omnes: imò cur aliquos
absolutè voluerit non eligere.

XX.

PRædestinatum ante mortem non iustificari
& non saluari: aut Reprobum non damna-
ri, in sensu composito impossibile est, impossi-
bilitate comitante aut consequente, quæ vlllo
modo præiudicat libertati; vel illi ad peccan-
dum, vel huic ad benè operandum. Libervitæ
notitia Dei est, qua firmiter retinet se aliquos
elegisse aut prædestinasse ad vitā æternam. Vn-
de etiam non nisi secundum rationem aliquo
modo à Prædestinatione distinguitur. Plures
absolutè ex Angelis prædestinati quàm repro-
bati sunt; ex hominibus autem collectiue sum-
ptis quot ab initio mundi fuerunt, sunt, & e-
runt, plures sunt reprobatum quàm prædestinati.

LAVS DEO BEATISS. VIRGINI.
S. Paulo primo Eremitæ.

*Disputantur ab eodem publicè CRACOVIA
Anno Dni, 1621. Mense Die Hora.*











